

■ GLOSSA

Ina questiun da reflex...

DA BENEDETTO VIGNE

En Svizra dat ei da-
bia Albanes dil Co-
sovo e dabiars sedepor-
tan buca sco giavischau.
Quella construcziun
steva scritta en La
Quotidiana da gievgia
passada, en l'introduc-
ziun da la «retschertga
actuala» davart la
guerra en il Balcan. Ina
frasa scritta probabla-
main ord spir reflex,
strusch dentant ord re-
flexiun.

Idat er Svizzers che na
sa deportan betg sco
giavischè. Quels na
quintan però mai. Betg
cur che eroplans crodan
giu da tschiel e van a
smerscher en la mar
sper Halifax, betg cur
che turists innocents
vegnan assassinads da
terrorists avant il tem-
pel da Luxor, betg cur
che lavinas ramplunan
a val e sutteran chasas e
lur abitants en las Alps.

Ma cur che mezs
milliuns da Co-
sovars e Cosovaras
vegnan stgatschads en
moda sgraschavlamain
disumana da lur da
chasa e patria, allura
bain, allura quintan
quels pèr frars e figls en
Svizra che na sa depor-
tan betg sco quai ch'i
fiss giavischè.

Insaco tuna quai bu-
namain sco sche las
misergias suffertas ha-
jan forse tuttina ina
tscherta raschun, ch'il
pievel Cosovar haja
forse tuttina merità in
pauet la catastrofa...

Sco ditg, tut mo ina
questiun da reflex...